

巴士安全小貼士（二）

兒子：爸爸，快啲啦，我哋去郊野公園玩啦！

兒子：爸爸，你應該要緊握扶手㗎，咁樣唔會跌親，安全啲呀。

爸爸：唔使啦，我細個學過功夫，企得好穩陣嘅！

問題：喺巴士上站立、行走或上落樓梯時，會唔會緊握扶手呢？

A：會

B：唔會

答案：A：會

兒子：爸爸，都叫咗你揸實扶手啦！其實無論巴士開車、停車，轉彎或者路上行駛時，於巴士上走動或站立，我哋都要無時無刻緊握扶手。同時，涉及專營巴士有人受傷的意外當中，有唔少個案係乘客喺車廂內因失去平衡而跌倒受傷。為保障自身安全，乘客喺車廂內站立、行走或上落樓梯時要緊握扶手，避免因失去平衡而跌倒受傷。另外，乘客可以等待巴士完全停定，然後先喺車廂內行走或上落樓梯。

兒子：爸爸，你都要扣上安全帶㗎！

爸爸：唔使啦，邊個會喺巴士扣安全帶㗎？

問題：如果座位上裝有安全帶時，會唔會佩戴呢？

A：唔戴喇

B：一定戴

答案：B：一定戴

兒子：都叫你扣住啦，作為一位精明嘅乘客，當然會佩戴座位上嘅安全帶啦！佩戴安全帶能有效減少喺交通意外中死亡或重傷嘅機會，喺較低車速時發生交通意外，安全帶亦可以發揮好大嘅保護作用。佩戴方法要正確，確保安全帶可使乘客緊扣喺座位上。巴士上既然已經有安全帶，就應該扣實啦！

兒子：爸爸，我們過馬路時要小心呀，要看清楚左右有沒有車輛。

兒子：爸爸小心呀，過馬路時無時無刻都要留意四方八面，睇清路面情況，千

祈唔好喺車與車罅之間過馬路。如果要橫過馬路，謹記正確使用行人過路設施，例如行人天橋、行人隧道、斑馬線及「綠色人像」過路處，並且要遵守法例同交通規則。橫過馬路前，可以先環顧四周嘅交通情況，確定所有車輛停定或者冇任何車輛駛近，喺安全情況下橫過馬路。過緊馬路時，記得要繼續小心觀察同聆聽四周嘅交通情況。

爸爸：我知啦，阿仔你都識好多交通安全守則㗎！

兒子：仲有呀！我未講完㗎，行人或者乘客唔應該喺巴士或者其他大型車輛嘅「盲點」範圍橫過馬路，尤其係車尾同車頭前方較近距離嘅範圍。另外，行人或者乘客亦唔應該從慢駛或已停定車輛之間嘅空隙「攝車罅」橫過馬路，因為你唔能夠容易看見駛近嘅車輛，駕駛人士亦唔能夠容易看見你，咁樣就會好容易發生意外。

問題：落車後，如果需要橫過馬路，咁要點做呢？

A：使用行人過路設施。記得唔好心急，睇清楚同小心聆聽四周嘅交通情況！

B：我可以同啲車鬥快，任何地方都可以衝過馬路，我係超人！

答案：A：使用行人過路設施。記得唔好心急，睇清楚同小心聆聽四周嘅交通情況！

兒子：爸爸，點解嗰邊部車會停低嘅？

爸爸：你睇唔睇到巴士後面嘅標誌？呢個標誌係用嚟提醒其他司機要減慢車速或者停車，讓巴士安全地駛出車站。

兒子：哦！我知道喇！

兒子：爸爸，原來你都認識巴士安全嘅守則！

兒子+爸爸：大家記住！

兒子：坐巴士時一定要握緊扶手、扣好安全帶！

爸爸：仲有，唔好貪快攝車罅同埋胡亂衝出馬路，應該正確地使用行人過路設施，例如行人天橋、行人隧道、斑馬線及「綠色人像」過路處，並且要遵守法例同交通規則。